



Verein Behindertensporttag VBS

Laudatio für Otto Nussbaumer

Liebe Otto

Wie rasch, dass doch die Zyt vergoht
jedes Jahr schnäller, was niemer verstoht.

21 Sporttäg sind scho verbi
ond du besch set afang a derbi.

Regisseur und Kamerama,
das Aemtli hesch du 20 Jahr gha.
Mängs Dräibuech hesch gschrebe,
dasch ned öbertrebe.

Es got den secher kei Poschte vergässe,
ou die ned, wo gmüetlech tüend ässe.

Interview hesch ou es par gmacht,
öber d'Antworte hämmer mängisch glacht.

Gfilmet hesch du veli Schtunde
ond ou emmer gueti Sujet gfonde.
Met dem, esch's aber noni gmacht
s'Schniide get Arbet für mängi Nacht.

Ton ond Musig chonnt no derzue,
vorhär get der Otto kei Rueh.

S'Resultat esch emmer pfondig
ond für d'GV e tolli Abrondig.

Notürlech besch du ou derbi,
wo 2001 öisi Gröndig esch gsi.
Vizepräsi besch du set denne,
jetz müemer öpper nöis benenne.

S'esch noni alles, stell der vor,
3 Jahr lang hesch g'amtet als Revisor.

So vel Arbet alli die Jahr
verdient en Ehrig, das esch woehr.
Drom, schlon ech de vor als Ehremetgled,
Gägeschimme get's secher ned.

Härzlechi Gratulation zom Ehremetgled
VBS Generalversammlig 2011
Brigitta Müller